



IL LVSTRISSIMO. NOBILISSIMOQVE VIRO
CLAVDIO GALLARD
 DOMINO DE COVRANCES ET DAMNEMOIS.
 ET IN SVPREMA GALLIARVM CVRIA SENATORI INTEGERRIMO.

ANDREAS GUYET S. D.

DIVINÆ vox est sapientie (Vir Amplissime) necessitatem esse blandam Medicinæ conciliatricem, eiusque authoritati & honori comiter velificare: quod oraculum mihi tabellaris prerogativa erit in hac concilianda tibi salutaris scientie tabella, quæ audeat apud Iuris, Iustitiæque Antistitem necessitatis iure agere, secunda victoria, cuius palmam equitati ultro porrigis: allegat necessaria cognate necessitudinis vincula, quibus se vinciri gaudet & prædicat; nec unquam hunc nexum inire recusabit ex quo honoris querit reverentia. Dignitas & Amplitudo tua in partes veniunt & suas iniiciunt compedes, quæ eò artius ligant quò clariùs micant: ardens & sacra illa Themidis purpura, quam singulares tue probitatis & ingenij dotes tibi induerunt, non perstringunt modò sed etiam distringunt oculos, nec aliò detorqueri patiuntur, & in hac luce solem agnoscunt suum. Heroicus autem ille parvus quem sibi proprium, verumque asserit nullum magis necessarium, nec locupletiozem respicere potest auctorem & patronum, in quo heroicæ virtutes sedent angustius & effulgeant splendidius: quæ nihil plebeium, nihil vulgare sapiunt, alta omnia & divina spirant: quarum denique partum decumanâ sapientiâ velut obstetriciâ quadam manu ex sacro mentis & voluntatis tue sinu educis, non illum quidem inchoatum & imperfectum: sed velut Palladem Iustitiæ tue præsentem, omnibus paribus absolum, omni Penopliâ munitum: huiusce verò partus decimas in summo Gallie Tribunali multò sanctius & cumulatiùs quàm veteris superstitionis cultores maximo Gallie Herculi adæquas, quotidie persoluis. Si virtutis illius hericæ propiores radios sensero, in heroico partu propugnando herculem me præfectori præstabo. VALE.

Q V Æ S T I O M E D I C A

QVOD LIBETARIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS VIII. IANVARII,

M. CLAVDIO SEGVYN Doctore, & Primario Reginae Christianissimæ Medico, Moderatore.

An decimus mensis Heroum natalis?

DENASCENDI fatalis est omnibus necessitas, nascendi non item: vnus & simplex ad vitam ingressus, multiplices & incerto exitu clauditur. Mors non est peccati soboles, sed multa: An potest arte Medicæ retardari? Homo naturæ suæ conditione mortalis, continuâ & felici prolis successione immortalitatem sibi asserit in posteris. Ad procreationem necessaria fuit maris & feminae distinctio, Mas generat in alio, femina in seipsâ non citrà maris confortium. Apageludibrium phantasie muliebri signatam mariti abscentis imaginem in vtero exprimentis, & in legitimum factum confortis absque feminis virilis copulâ. Mulieres non quemadmodum gallinæ sine maribus ova pariunt *ὀρνίθια*, ita illæ informem & inutilem carnem (quæ mola dicitur) aut aliud quippiam, ei simile sine viro concipiunt. Vtriusque parentis semen, & sanguis maternus ad fetus conceptionem & conformationem desiderantur: ex conditione seminis pendet corporis vniuersi præsertimque partium principum temperies, ex earum temperamento humores, ex humoribus affectiones animi siue *πάθη*, ex affectionibus mores, ex moribus, habitus honesti & vitiosi comparantur, cognoscuntur.

ENIM VERO maximum habet momentum ad egregias corporis & animi dotes parentum semen: Fortes creantur fortibus & bonis, Heroum filii nascuntur Heroes, & patrum in natos veniunt cum femine mores perinde ac morbi. Ad præclaræ prolis susceptionem requiritur vbertas feminis moderatè calidi & secundi, quale suppetitari solet à parentibus sanis & robustis, ætatis inature & constantis, probâ victus lege vtentibus, qui rarò vncem colant & pari corporis animique contentione simul ad metam properent: amborum genitale semen confusum arctissimè suo fini amplectitur vterus, purissimoque sanguine perfundit, & ad fetus masculi conformationem (quæ est nobilissima animæ vegetantis actio) promouet. Conformatrix facultas ex præstantissimis vitæ principis partium principum, sed imprimis hepatis, deinde cordis & cerebri, tandem reliquarum omnium elegantem, ac venustam descriptionem aggreditur, quibus accuratè conformatis & distinctis, anima extrinsecus accedit à Deo creata suo domicilio non impar quæ vitâ nobiliore factum impertit eique iustam molem & incrementum ex materni sanguinis commatu procurat, quo tandiu fruitur quandiu ergastulis vteri coarctetur, nec prius exit in lucem quàm gratiosi humoris copiâ defecerit.

MNES animantes singulari ac simplici modo partum suum perficiunt, vnum propterea illudque statum pariendi tempus obseruant: Homini soli vt multiplex pariendi modus ita incertum tempus à naturâ obigit. Rarò multos vno partu, aliquando geminos, frequentissimè vnicum enititur interdum mense septimo, aliàs octauo, sæpe nono vel decimo, vix vndecimo. Primus vitalem factum producit septimus, sed illum imbecilem ac imperfectum strati insolentiam & æris iniurias ægrè ferentem. Octauo mense, diuturnâ & familiari ægritudine vexatus in vtero fetus, ingruente nouo subinde partus dolore opprimitur, quò longius recedit ab hac insigni afflictione eò felicius procedit. Si statim incipiente nono prodeat infans, nondum instauratis viribus vix discrimen euadet, qui si eodem mense affecto nascatur, legitimum & vulgare partionis tempus adeptus viuet, procul remotus à morbis quibus octimestres exerceri consueuerunt. Decimum mensem partus humani Colophonem attingit qui septimo quadragenario in lucem editur, felici & auspicio numerorum contentu quem quatuor septimanarum decuria ex ducentis & octoginta diebus componunt.

VMERVS non agit, sed natura certis numeris, ac temporum periodis suos motus circumscribit nascendi terminum homini longissimum, ac perfectissimum decem menses constituit. Hinc decimæ mellis fetus omnibus corporis & animi bonis cumulatè ornat, num quæ longiori tempore perficiuntur & oriuntur animalia, præstantiora & viuaciora? partum naturalem definit fetus maturitas Qui ocyis maturefcunt, breuioris vitæ & præcoxis sapientie, qui seriùs, longè & prudentes, immò si vsque ad septimum *ἡλικία* singulari naturæ beneficio ortum suum producant, tum demùm insigni virtutum prærogatiuâ & excellenti corporis pulchritudine præstantissimi nascuntur, num in vtriusque parentis femine virtutum Heroicarum semina delitescunt? melancholicum semen parentum simili humore partes principes præsertimque cerebri imbuit, cui fingendo & perficiendo eò diutius incumbit, quò materia crassior magis attenuanda venit in delicatissimam organorum texturam & maiori industria elaborari postulat pars isthac non vulgaris, sed heroica mentis sedes futura & nobilissimarum actionum instrumentum. Num sanguinis materni eiusque purissimi vbertas tanto tempore factum in vtero continet vt facultates naturales egregium illud opus accuratius absoluant? alitrix infans carnis molem & coloris suauitatem, alitrix magnitudinem eximiam, conformatrix decoram & elegantem figuram vniuerso corpori conciliet, licque omni ex parte perfectus & maturus infans feliciter prodeat in lucem.

VI decimo mense nascitur, duplicem ortus sui tardioris causam agnoscit: melancholicum semen quo partes solidæ constant, & sanguinis menstrui copiam, ex quo carnosæ concrefcunt & diutissimè aluntur. Huic acceptam refert corporis pulchritudinem & sanitatem, illi virium robur, longevitatem & ingenii præstantiam, quibus egregius corporis & animi dotibus *ἡρώδης*, Herois nomen meritò sibi vendicat. Estne temperamentum melancholicum heroicum? In succo melancholico interdum calor immoderatus præpollerit qui sentiendi officium intercipit, vnde morum feritas & vehemens animi delirium: aliàs frigus dominatur quod sensuum aciem obtundit, vnde mentis stupor & mores fatui: nonnumquam temperatus inest calor tenuissimorum ac lucidissimorum spirituum fecundus genitor quibus intellectus ad nobilissimas actiones edendas, & habitus virtutum heroicarum sapientie & prudentie supra modum ac penè naturam hominis, comparandos vtitur. Hinc omnes qui mentis solertia & iudicii constantia, rerum prudentissimi, *ἡρώδης*, ac sapientissimi longè ceteris præstiterunt Heroes dicti, melancholici fuere, omnes quoque *δυνασταί*. An non Principis nostri DELPHINATIS perfectissimo partus humani termino septimo quadragenario exacto, expectatissimus & fortunatissimus exortus, decimum mensem Heroum natalem approbat? Saus HERCVLE PVLCHRO, pulcher Herculis filius tot Heroum sanguis. D. LVDOVICI soboles, HENRICI MAGNI nepos, LVDOVICI IVSTI, & ANNÆ AVSTRIACÆ incomparabilis Heroinæ Filius, quem frontis maiestas, oris dignitas, oculorum acies imperterrita, augustissima species, corporis temperies heroica, *εὐδαιμονία*, *εὐσυνέτη*, insita mentis bonitas, atque ingenii ad virtutem amplectendam celeritas, mores supra ætatem compositi & seri, sapientissimum, prudentissimum, fortissimum ac felicissimum, aliquando ostendant Heroa, qui pacatum reget patris virtutibus orbem.

Ergo decimus mensis Heroum natalis.

Proponebat Lutetiæ ANDREAS GUYET, Parisinus. A. R. S. H. M. DC. XLIII.

DOMINI DOCTORES DISPUTAVRI.

M. Claudius le Vasseur.
M. Dionysius Ionquer.
M. Iacobus Ganois.

M. Michael Martès.
M. Claudius Bregier.
M. Robertus Debonnaire.

M. Mauricius de Montrail.
M. Claudius de Poix.
M. Petrus le Comte.

